

und Jocoff Seilir und Barbaren, synir elichen wirtin, uff dy andir syten umbe dy 50 guldin, dy^{a)} frauwin Barbaren von ir frunden der Peyerruthirin seligin geschigkit sint eczlichir cleidir, bethgewant und andir farindir habe, des sich dy genante Barbara nach ir frundin tode undirczogen hatte und umbe alle irnuscz und bruche in den sachen biz uff dieszin hutigen tage vorlauffen. Also daz alle sachen ganz gericht und geeynit und sullen des gute frunde seyn. So sal Joco Seilir, Nickel Kanengisser vor sulche farinde habe, dy er hinweg adder seyn weip genomen hatte, reichen 10 nuwe ß der alden wer, dy bezalen uff Michaelis nest komende dy helffte und dy andir helffte uff weinachten und Jocoff Seilir und seyn eliche wirtin sullen dy 50 guldin dy hindir eyn rathe ligin und frauwen Barbaren geschigk seyn^{b)} nach inhalt der brieffe dorubir behalden und Kanengisser nichtis davon phlegen an geverde.

a) über die Zeile geschrieben b) folgt durchgestrichen behalden

982.

1453 Mai 29

Lorenz Storch bekennt eine Schuld und verpfündet seinen Garten.

fol. 182r Lorenz Storch hat bekanth, daz er nach inhalt eynis brieffes Kirstan Schurrer czu geldin schuldig ist 40 alde ß gr der aldin wer ye funff heller vor eyn alden gr, daz er gereth und globet hat uszczurichten dy helffte uff Martini nestkomende und dy andere helffte uff trinitatis unsern jarmargk nest dornoch folginde und hat òm sulche schuld mit seyn garten, vor dem Frauwinthor gelegen, vorphant, ab er nicht bezalung tete und sumig wurde, so mag er sulchin garten vorseczin und vorkauffen und sich synir nicht bezalten schuld vor ydirmenlichin doran irholen,^{a)} so umbe dy czinsze und schedin nach uszweisung des brieffes ist abgeteidigit. Waz doruff gegangen ist, sal Kirstan Schurer laszin faren und dorumbe Lorenz Storch nicht vordirn. Actum 3^a feria post trinitatis anno etc. LIII.

a) folgt durchgestrichen als denne der brieff dorubir uszweiszit

983.

1453 Juni 13

Kunz Fellinstein übernimmt eine Bürgschaft.

fol. 182r Kuncz Fellinsteyn hat vor eyne were gereth vor ansprach umbe czwey teil des huszis, daz Mertin Sneider in der Badirgassin widir er Johannes Fellinsteyn als eyn vormunden Paul Wolffartes seligen gelaszin kinde abgekauft hat, anlanginde dy czwei teil des kindis als bey 52 alde ß. Gereth und globet òn der czweyer teil von des kindis eyne were czu seyn, ab er von